

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/54

Saksnr	Utvalg	Type	Dato
008/2021	Formannskapet	PS	09.03.2021

Orienteringssaker

Forslag til vedtak:

Sakene vert tekne til orientering

Saksopplysningar:

Formannskapet - 008/2021

FOR - behandling:

Ordførar orienterte:

- Eigedomsskattegrunnlag på kraftanlegg. Det går føre seg 4 ulike søksmål i Noreg i dag, men som er prinsippielt like i sak. Regjeringsadvokaten har beslutta at det skal førast 2 saker framover. Den eine av desse 2 sakene er Modalen kommune part i saman med eit tal andre kommunar. Saka er beramma til 11. og 12. mai 2021 i Oslo Tingrett.
- Ungdomsrådet vart etablert på nytt 17. februar. Leiar vart Olav Nåndal. Nestleiar vart Ådne Nordheim. Nestleiar er busett i Vaksdal kommune. Ungdomskoordinatoren har undersøkt om dette er mogleg. Rettleiaren for ungdomsråd stettar at nestleiar kan ha vervet i Modalen ungdomsråd.
- Ordførarane i Masfjorden, Modalen og Alver kommunar er invitert til drøftingsmøte på Vikanes 09.03.21. Føremålet er å lytte til bygdelaget sine innspel knytt til grensejusteringar kor Vikanes ynskjer å verte ein del av Masfjorden eller Modalen.
- Rekruttering av kommuneoverlege. Rådmannen orientere om at noverande kommuneoverlege har sagt opp stillinga si frå 1. mai. Vikarlege ivaretek dei ordinære legetenestene, men kommuneoverlegefunksjon er ikkje avklara. Masfjorden kommune har føreslått å greie ut mogleg samarbeid mellom dei to kommunane. Rådmannen ynskjer å gjennomføre slik utgreiing.
- Anne-Britt Almelid viste til at det i vinterferien hadde vore store mengder badegjestar i Bryggjeslottet innanfor ordinær stengetid, og at det ikkje hadde vore badevaktar eller smittevern, t.d. spriting. Bakgrunnen er at det utanfor stengetid er fritt fram for brikkebrukarar. Rådmannen viste

til at problemstillinga er knytt til ei kortsiktig utfordring i samband med korona og reduserte tilbod i samfunnet forøvrig. Saka vil bli drøfta med kommuneoverlegen i forkant av gjestemottak i påskeferien.

Samrøystes vedteke

FOR - vedtak:

Sakene vert tekne til orientering